

MALENGO YA MITUME YA ALLAH NO.6

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

MALENGO YA MITUME YA MWENYEEZI MUNGU NO.6

.?Mitume Mitukufu ya Mwenyeezi Mungu imekuja kuwalingania wanaadamu katika kitu gani *

katika makala iliyopita tulielezea kuhusu malengo ya Mitume ya Mwenyeezi Mungu, katika
.makala hii tutaendelea na mada yetu ile ile inayohusiana na malengo ya Mitume

KUPIGANIA HAKI ZA WATU DHAIFU NA KUPIGANA NA MADHALIMU .4

Watu dhaifu ni wale watu ambao kutokana na hukuma za madhalimu, hawawezi kupigania haki zao, na wameharamika katika kuhifadhi tamaduni zao, na kwa sababu hizo basi hawapati kuamua mambo yao, vile ambavyo inawapasa kuayaamua, watu hao ndani ya Qur-ani
-: wamesifiwa hivi

إِلَّا الْمُسْتَضْعِفِينَ مِنَ الرِّجَالِ وَالنِّسَاءِ وَالْوِلْدَانِ لَا يَسْتَطِيعُونَ حِيلَةً وَلَا يَهْتَدُونَ سَبِيلًا[1]

Isipo kuwa wale walio kuwa wanyonge miongoni mwa wanaume na wanawake na watoto
.wasio na uweza wa hila ya kuongoza njia ya kuhama

Na kwa upande mwengine madhalimu ni wale watu ambao, kutokana na nguvu walizonazzo katika serikali au jamii, wao hujiona bora kuliko wengine, na natija ya hayo huwadhalilisha watu dhaifu na kuwaweka chini ya miguu yao, na kuwatendea kila wanayoyataka, kama anavyosema
-:Allah (s.w) kumwambia Firauna

إِنَّ فِرْعَوْنَ عَلَا فِي الْأَرْضِ وَجَعَلَ أَهْلَهَا شِيَعًا يَسْتَضْعِفُ طَائِفَةً مِّنْهُمْ يُذَبِّحُ أَبْنَاءَهُمْ وَيَسْتَحْيِي نِسَاءَهُمْ إِنَّهُ كَانَ مِنَ الْمُفْسِدِينَ[2]

Hakika Firauni alitakabari katika nchi, na akawagawa wananchi makundi mbali mbali. Akalidhoofisha taifa moja miongoni mwao, akiwachinja watoto wao wanaume na akiwaacha
.watoto wao wanawake. Hakika yeye alikuwa katika mafisadi

Kwa hiyo kupigania haki za watu madhaifu na kuwaokoa na hukuma za kidhalimu, ni miongoni mwa sehemu ya ujumbe wa Mitume katika kuwalingania wanaadamu. Kama anavyosema Mtume Muhammad (s.a.w.w), ya kwamba nimewaokoa watu na utumwa, na ndani ya Qur-ani -:tunasoma

الَّذِينَ يَتَّبِعُونَ الرَّسُولَ النَّبِيَّ الْأُمِّيَّ الَّذِي يَجِدُونَهُ مَكْتُوبًا عِنْدَهُمْ فِي التَّوْرَةِ وَالْإِنْجِيلِ يَأْمُرُهُمْ بِالْمَعْرُوفِ وَيَنْهَاهُمْ عَنِ الْمُنْكَرِ وَيُحِلُّ لَهُمُ الطَّيِّبَاتِ وَيُحَرِّمُ عَلَيْهِمُ الْخَبَائِثَ وَيَضَعُ عَنْهُمْ إِصْرَهُمْ وَالْأَغْلَالَ الَّتِي كَانَتْ عَلَيْهِمْ فَالَّذِينَ آمَنُوا بِهِ وَعَزَّرُوهُ وَنَصَرُوهُ وَاتَّبَعُوا النُّورَ الَّذِي أُنْزِلَ مَعَهُ ۙ أُولَٰئِكَ هُمُ الْمُفْلِحُونَ [3]

Ambao kwamba wanamfuata huyo Mtume, Nabii, asiye soma wala kuandika, wanaye mkuta kaandikwa kwao katika Taurati na Injili, anaye waamrisha mema na anawakanya maovu, na anawahalalishia vizuri, na ana waharimishia viovu, na anawaondolea mizigo yao na minyororo iliyo kuwa juu yao. Basi wale walio muamini yeye, na wakamhishimu, na wakamsaidia, na wakaifuata nuru iliyo teremshwa pamoja naye - hao ndio wenye kufanikiwa Mitume walitilia umuhimu katika kutimiza wajibu wao, na kuufikisha ujumbe wa Mwenyeezi Mungu. Na walifanya jitihada zao zote kuwalingania watu katika njia ya Mwenyeezi Mungu. Kama -:tunavyosoma ndani ya qur-ani

وَمَا لَكُمْ لَا تُقَاتِلُونَ فِي سَبِيلِ اللَّهِ وَالْمُسْتَضْعَفِينَ مِنَ الرِّجَالِ وَالنِّسَاءِ وَالْوِلْدَانِ الَّذِينَ يَقُولُونَ رَبَّنَا أَخْرِجْنَا مِنْ هَذِهِ الْقَرْيَةِ الظَّالِمِ أَهْلُهَا وَاجْعَل لَّنَا مِن لَّدُنكَ وَلِيًّا وَاجْعَل لَّنَا مِن لَّدُنكَ نَصِيرًا [4]

Na mna nini msipigane katika Njia ya Mwenyezi Mungu na ya wale wanao onewa, wanaume na wanawake na watoto, ambao husema: Mola Mlezi wetu! Tutoe katika mji huu ambao watu wake ni madhaalimu, na tujaalie tuwe na mlinzi anaye toka kwako, na tujaalie tuwe na wa .kutunusuru anaye toka kwako

Na hii ni ahadi ya Mwenyeezi Mungu kwamba atawasaidia madhaifu waliodhulumiwa na -:madhalimu, na atawapa madhaifu serekali na hukuma. Kama anavyosema

وَنُرِيدُ أَنْ نَمُنَّ عَلَى الَّذِينَ اسْتُضْعِفُوا فِي الْأَرْضِ وَنَجْعَلَهُمْ أَئِمَّةً وَنَجْعَلَهُمُ الْوَارِثِينَ [5]

Na tukataka kuwafadhili walio dhoofishwa katika nchi hiyo na kuwafanya wawe waongozi na .kuwafanya ni warithi

Suratun Nisaa Aya ya 98 [1]

Surat Qasas Aya ya 4 [2]

Surat Al-Aaraf Aya ya 157 [3]

Suratun Nisaa Aya ya 75 [4]

suratQasas Aya ya 5 [5]

MWISHO